



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 63. Arelatensis Cardinalis artes ad sedandas turbas adhibitæ.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.  
A. C. 1439.

ultra procedendum: fore enim, ut hac temporis mora Prælatorum animi ad unionem reducerentur. Ægre admodum has inducias ferebant Panormitani Fautores, qui hujus intercessionem omnino acceptandam contendebant. Quam ob rem novi exorti clamores, tantique strepitus insonuere, ut articulorum lectio adstantium aures penitus effugeret. Jamque dies ad occasum inclinabat, & conclusum adhuc erat nihil: dum tandem Cardinalis Arelatensis fervidis quorundam precibus, & Lausanensis Episcopi, plurimique Theologorum hortatu devictus, ad sedandos tumultus in fraude, atque artibus consilium quærere aggressus est.

## §. LXIII.

*Arelatensis Cardinalis artes ad sedandas turbas adhibitæ.*

Mentiebatur itaque, se habere, quæ proponeret, a modernis tamen controversiis longe diversa; cumque hac sua fraude omnium aures avidè suspensas teneret, novo commento exponebat, ex Galliis delatas sibi fuisse epistolas novis, ac fidem hominum superantibus nuntiis plenas, quas, si eum benevole audirent, palam prælegere vellet. Consenserunt omnes, & Cardinalis ferrum, dum calet, cudentium ratus, sensim sine sensu Epistolæ

contextum ab iis, quæ continebat, ad <sup>Sæcul. XV.</sup> agitatum quæstionem deflexit, de suo <sup>A. C. 1439.</sup> subjungens, quod Eugenii Papæ Nuntii in Gallis novam hanc doctrinam, scilicet Papam Synodo esse superiorem, quaqua- versus disseminarent, nisi ergo opportuno medio in tempore occurratur, ejusmodi opinio latius sese diffundens brevi in cordibus populi altas ageret radices: Synodi, prosequebatur, potissimum interest, malo grassanti remedium afferre, quo tamen nullum magis præsentaneum est, quam si ex illis octo Conclusionibus antea stabilitis saltem tres primæ acceptarentur. Hæc verba magno suorum applausu, atque encomio excepta fuere, & Cardinalis nomine totius Synodi rem conclusam pronuntiavit.

## §. LXIV.

*Cardinalis Tarraconensis Basileæ.*

Eodem die Cardinalis Tarraconensis Basileam venit, quem, ut ut generali Congregatione antea absentem Catalani tamen & Longobardi præveniunt, ejusque animum oppugnant, ac crebra cum eo colloquia miscentes deliberant, qua via Papæ Eugenii auctoritas vindicari posset; *nonnullis eorum omnino deserendum concilium videbatur, aliis vero persistendum, Æn. Sylv. loc. cit.* *omnique nisu resistendum, ne quid ulterius*